



INFORMASJONSHEFTE OM

Åmotsdal barnehage

Seljord kommune



Adresse: Åmotsdalsvegen 1255, 3841 Flatdal
Tlf: 35 05 13 75
E-post: amotsdal.barnehage@seljord.kommune.no
Styrar: Ann-Christin Freberg Høgetveit.
Opningstid: Måndag - fredag kl. 07.30 – 16.30
Barnehagepersonalet har 5 planleggingsdagar i året. Då er barnehagen stengd. I tillegg er barnehagen stengd f.o.m. jolaften t.o.m. 1.nyttårdag, og i veke 29 og 30 om sommaren.

Seljord kommune si heimeside: www.seljord.kommune.no

Revidert august 2011

Organisering

Barnehagen har 21 plassar for barn i alderen 1 til 5 år. Barnehagen ligg i same bygget som grendehuset og skulen, og vi nyttar kjøkkenet og toaletta til grendehuset samt gymsalen. Romma i barnehagen skal stimulere til ulike typer aktivitet som lesing, speling, konstruksjonsleik, rolleleik, formingsaktivitetar og liknande.

Barnehagen har tilgang til lavvo og gapahuk i skogen. Lavvoen har vi i lag med skulen og 4H. Elles har vi eit stort uteområde rundt barnehagen og skulen som vi nyttar kvar dag.

Informasjonsrutinar

Alt innhald i barnehagen er bygd på Lov om barnehagar, nasjonal og lokal rammeplan. Informasjon og beskjedar til heimane heng på tavla i garderoben og på plassane til barna. Månadsplan blir lagt i hyllene til barna veka før ny månad.

På tavla skriv vi litt om kva vi har gjort gjennom dagen. Det kjem og til å vere ein pc ute i garderoben som kan dokumentere med bilete kva barna har vore med på dei ulike dagane.

Årsplanen, som er barnehagen sitt program for barnehageåret, kjem i august/september.

Dagsrytme (kan bli endra på grunn av tilbod om utvida opningstid ved behov)

07.30 Barnehagen opnar.

08.30 - 09.00 Frukost

09.45 Samling som inneheld rydding etter leik.

10.00 Aldersdela grupper

11.30 Føremiddagsmat

12.00 Garderobe

12.00 - 16.30 Ute - og inneleik

14.30 Ettermiddagsmat / frukt.

16.30 Barnehagen stenger

Alle klokkeslett er omtrentlege. Dei minste barna et og søv etter avtale med foreldra

Vi ynskjer at alle skal vere i barnehagen innan 09.45 då vi byrjar med dagens aktivitetar. Vi ynskjer dette for å skape ro rundt aktivitetane.

Måltid

Det er tilbod om enkel frukost; havregryn, av og til graut, knekkebrød / brød mellom 08.30 og 09.00.

Formiddagsmat er om lag kl 11.30. Dette er hovudmåltidet. Ved dette måltidet legg vi vekt på å lære barna å smøre mat, tømme mjølk i koppen og liknande. Barna skal lære bordskikk, som til dømes ”kan du sende meg osten”. Barna skal også få kunnskap om kva som er sunn mat, og vi legg vekt på at måltidet skal vere hyggeleg.

Barna får velje bordsang og alle hjelper til med å rydde av bordet. Til føremiddagsmåltidet et me brødmatt og vanleg pålegg. Me brukar ikkje pålegg som inneheld mykje sukker. Kvar 14. dag har vi varm mat.

Knekkebrød, frukt / grønnsaker blir servera ca. kl.14.30. Maten kostar kr.300- pr. månad for 5 dagars tilbod.

Slutten på dagen

På denne tida kan barna vere slitne, og treng personalet si merksemd. Vi ynskjer difor at foreldra kjem dit barnet er. Personalet vil gjerne fortelje litt om korleis dagen har vore for barna, men det er ikkje alltid ein får dette til. Men dersom det har vore spesielle hendingar i løpet av dagen som det er viktig at foreldra får informasjon om, vil personalet alltid gje beskjed om det.

Ta gjerne kontakt med personalet!

Oppfølging av kvart enkelt barn

Den fyrste tida i barnehagen

Den fyrste tida i barnehagen vil barnet møte mange nye vaksne. Barnet treng tid til å bli kjent i barnehagen og få tillitt til dei vaksne. Foreldra må difor setje av tid til å fylgje barna i barnehagen dei fyrste dagane og vere tilgjengelege ved behov i oppstartfasen. Mange arbeidsplassar gjev inntil 3 dagar permisjon for tilvenning i barnehage.

Alle barna blir fylgd opp ved systematisk og usystematisk observasjon. Barnet sitt utbytte av barnehageopphaldet blir drøfta med foreldra i foreldresamtaler. Foreldra får tilbod om samtalar to gonger i året.

Den daglege kontakten ved levering og henting er den viktigaste samarbeidsforma mellom foreldra og personalet. Det er avgjerande å få opplysningar om barnet si helse, behov, ynskje og opplevingar, slik at vi kan gje barnet best mogleg omsorg og oppfølging. Før foreldresamtalene har vi barnesamtalar der barnet og den vaksne (førskulelærarane) har ei strukturert samtale om livet i barnehagen slik barnet opplever det.

Fødselsdagar

Barnas fødselsdag blir markera med balkongflagg, fødselsdagssong og ljostenning. Barna får velje mellom fruktspyd, spaghetti med pylse / kjøttdeig eller kveitebollar til dagen.

Sjuka barn

Folkhelseinstituttet har laga retningslinjer for barn og sjukdom i barnehagen. Barnehagen følgjer desse. Retningslinjene blir sendt til heimane.

Innhald i barnehagen

Personalet ynskjer å skape ein barnehage fylt med leik, læring, humor, glede og tryggleik for barn, foreldre og personalet.

Personalet legg vekt på ein roleg og hyggeleg barnehagedag med minst mogeleg avbrot i leiken til barna. I leiken skjer det viktige læreprosessar. Samspel mellom barn – barn og barn - vaksen er viktig i denne samanhengen. Dei vaksne vil vere aktivt deltakande og observerande i leiken og aktivitetane til barna. Dei skal vere utviklingsstøttande . Det betyr å sjå og støtte det enkelte barn si utvikling ut frå personlegdomen til barnet, og i leik og gjeremål tilføre nye moglegheiter og innhald. I samvær med barna, enkeltvis og i grupper, legg vi stor vekt på samtala som metode.

Utvikling av god språkforståing er viktig for å meistre i leik, læring og samvær med andre. Vi har difor stort fokus på språk i alle aktivitetar, og vi har også faste aldersinndelte språkgrupper.

Vi har fokus på korleis den vaksne møter det enkelte barn slik at barnet sin integritet blir ivaretatt samstundes som omsynet til dei andre barna også blir ivaretatt. Å hjelpe barna til utvikling av sosial handlingsdugleik, språk og kommunikasjonsevne vil vere med på å førebygge diskriminering, mobbing, utjamne sosiale forskjellar og likestille gut og jente. Utvikling av sosial kompetanse hos barn er nødvendig for å kunne vere saman med andre, løyse konflikhtar, vere hjelpsam, arbeide i grupper, samarbeide og forstå korleis andre har det. Slike ferdigheitar meiner vi ein må utvikle for å kunne bidra til eit likestilt samfunn. Grunnlaget for desse dugleikane blir lagt i førskulealder og personalet legg vekt på å hjelpe barna til å utvikle dei. I foreldresamtalar vil mellom anna desse områda av barnet sitt liv i barnehagen bli tatt opp.

Uteliv og klede:

Vi legg vekt på å vere mykje ute og vi er ofte på turar i nærområdet. Det er difor viktig at barna har godt med uteklede, regntøy og skift i barnehagen. På vinteren har vi skidagar og på sommaren sykkeldagar.

Kontakt heim – barnehage

Vi meiner at godt samarbeid mellom foreldra og personalet er viktig for at barna skal trivast i barnehagen og for at dei skal få ei god utvikling. Det daglege møtet på morgon og ettermiddag er difor viktig. Bli gjerne ei stund i barnehagen dersom du har tid ein dag. Du kan ta ein kopp kaffi om morgonen eller bli med på samlingstunder og turar dersom du har høve til det.

I løpet av barnehageåret har vi 3-4 arrangement for foreldre og barn. I foreldresamtalar, som regel to gonger i året, blir barnet sitt utbytte av barnehageopphaldet tatt opp. Foreldre og personalet finn saman ut kva ein skal legge vekt på i oppfølginga av barnet. Det er to foreldremøte i løpet av eit barnehageår. Det eine av desse møta skal vere eit debattmøte/temamøte der ein drøftar ulike aktuelle tema, eller får meir kunnskap om eit område.

Dersom det er noko du ikkje er nøgd med, noko du lurar på eller noko du synest er bra, vil vi gjerne høyre det. Barnehagen skal tilpasse seg mange ulike heimar, ynskjer og behov. Difor er vi avhengige av å høyre kva foreldra meiner for å gjere ein best mogeleg jobb.

Foreldreråd

Alle foreldra er medlemmer av foreldrerådet. Leiar og nestleiar blir vald på foreldremøtet i august/september. Foreldrerådet skal være eit forum der alle foreldra kan møtast og diskutere ynskje og behov og kome med forslag til barnehagen.

Samarbeidsutval

Samarbeidsutvalet består av 2 representantar frå foreldra, 2 representantar frå personalet og 1 representant frå eigar. Styrar er sekretær. Utvalet konstituerar seg sjølv på fyrste møte i september. Samarbeidsutvalet skal vere med å drøfte barnehagen sitt innhald og fremje kontakt mellom barnehagen og heimane.